

ROWACHOL® CAPSULE

Pinene/ Camphene/ Cineol/ Menthone/ Menthol/ Borneol (17 mg/ 5 mg/2 mg/6 mg/ 32 mg/5 mg)

Apakah yang ada pada risalah ini

1. Apakah kegunaan Rowachol®
2. Bagaimana Rowachol® berfungsi
3. Sebelum menggunakan Rowachol®
4. Cara menggunakan Rowachol®
5. Semasa menggunakan Rowachol®
6. Kesan-kesan sampingan
7. Cara penyimpanan dan pelupusan Rowachol®
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Rowachol®

Rowachol® digunakan untuk merawat masalah hepatobiliari seperti batu karang hempedu, keradangan pundi hempedu, gangguan fungsi pundi hempedu dan keadaan radang hati.

Bagaimana Rowachol® berfungsi

Rowachol® berfungsi melalui pelarutan, penghancuran atau penyingkiran batu karang hempedu. Rowachol® meningkatkan penghasilan hempedu dan mengendurkan saluran hempedu. Ini dapat membantu mengurangkan pengecutan saluran hempedu yang menyakitkan. Ini juga memudahkan batu karang hempedu disingkirkan bersama dengan hempedu.

Sebelum menggunakan Rowachol®

- Bila tidak boleh menggunakannya

Jangan mengambil Rowachol®:
- sekiranya anda alah kepada pinene, borneol, menthol, menthone, camphene, cineole atau mana-mana bahan kandungan lain ubat ini

(disenaraikan dalam maklumat lanjut produk).

- Sebelum mula menggunakan Rowachol®

Adalah dinasihatkan untuk mengurangkan pengambilan lemak dalam diet.

Kehamilan dan menyusukan bayi

Walaupun tiada kesan dilaporkan pada bayi yang dilahirkan, adalah dinasihatkan bahawa wanita hamil agar tidak mengambil Rowachol® semasa trimester pertama kehamilan.

- Jika mengambil ubat-ubatan lain

Dapatkan nasihat doktor atau ahli farmasi anda sebelum mengambil Rowachol® sekiranya anda ada mengambil ubat-ubatan untuk mencairkan darah atau ubat yang diurai oleh hati.

Cara menggunakan Rowachol®

- Berapa banyak harus digunakan

Dewasa: dos yang biasa adalah 1-2 kapsul 3 kali sehari sebelum makan, melainkan jika dinasihatkan oleh doktor.

Kanak-kanak 6-14 tahun: Dos yang biasa adalah 1 kapsul 2 kali sehari sebelum makan.

- Bila perlu digunakan

Ambil Rowachol® sebelum makan.

- Berapa lama perlu digunakan

Ambil Rowachol® seperti yang dinasihatkan oleh doktor atau ahli farmasi anda.

- Jika terlupa menggunakan

Jangan ambil dos berganda untuk menggantikan dos yang tertinggal. Ambil ubat dengan secepat mungkin setelah anda ingat. Kemudian ambil dos yang seterusnya mengikut jadual seperti biasa.

- Jika menggunakannya secara berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika dos berlebihan telah digunakan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Rowachol®

- Perkara yang perlu dilakukan

Ambil ubat anda seperti yang dinasihatkan oleh doktor.

Maklumkan doktor, doktor gigi dan ahli farmasi yang merawat anda bahawa anda mengambil Rowachol®.

Beritahu doktor anda dengan segera jika anda hamil semasa mengambil ubat ini.

- Perkara yang tidak boleh dilakukan

Jangan berhenti mengambil ubat kecuali dinasihatkan oleh doktor anda.

Jangan mengambil sebarang ubat baharu tanpa berbincang dengan doktor anda.

Jangan memberi Rowachol® kepada sesiapa, walaupun mereka mempunyai simptom atau keadaan yang sama seperti anda.

ROWACHOL® CAPSULE

Pinene/ Camphene/ Cineol/ Menthone/ Menthol/ Borneol (17 mg/ 5 mg/2 mg/6 mg/ 32 mg/5 mg)

- Perkara yang perlu diberi perhatian

Memandu dan mengendalikan mesin
Jika anda berasa tidak sihat setelah mengambil kapsul, jangan memandu atau menggunakan mesin dan hubungi doktor anda dengan segera.

Kesan-kesan sampingan

Tiada kesan sampingan yang tidak diingini dilaporkan. Sedikit rasa pudina mungkin dirasakan pada awalnya.

Anda boleh melaporkan sebarang kesan sampingan atau kesan buruk ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers* → *Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan Rowachol®

- Penyimpanan

Simpan di bawah suhu 30°C.

- Pelupusan

Jangan lupuskan ubat melalui sistem kumbahan air atau melalui sistem pembuangan isi rumah. Rujuk ahli farmasi anda bagaimana melupuskan ubat yang tidak diperlukan lagi. Langkah-langkah ini boleh membantu memelihara alam sekitar.

Maklumat lanjut

- Rupa dan warna produk

Kapsul gelatin lembut berwarna hijau, berbentuk bulat yang mengandungi minyak berwarna kuning pucat atau kuning kehijauan.

- Bahan-bahan kandungan

- Bahan aktif

Pinene ($\alpha+\beta$), Camphene, Cineol, Menthone, Menthol, Borneol

- Bahan tidak aktif

Minyak zaitun, gelatin, glycerin 85%, sodium ethyl hydroxybenzoate, sodium propyl hydroxybenzoate, sodium copper chlorophyllin.

- Nombor MAL:

MAL19913018X

Pengilang

Rowa Pharmaceuticals Ltd.,
Bantry,
Co. Cork,
Ireland.

Pemegang Pendaftaran Produk

DCH Auriga (Malaysia) Sdn. Bhd.,
Lot 6, Persiaran Perusahaan,
Seksyen 23, 40300 Shah Alam,
Selangor,
Malaysia

Tarikh kemaskini RiMUP

08/06/2022

Nombor Siri

NPRA(R4/1)201221/00093